

## Onisiny 14

1. Adam ubaa Hewan himurit Waa`giet didheka, waasel meete tagniye?

-Adam ubaa Hewan `guor neele gelem tagnate.

2. Adam ubaa Hewan `guor neele gelem tagnantela `daa mare?

-Adable shosholswa fe`de.

3. Maa adable Waa`g inka sholswa he bii gaa i`jo?

-He man.

-Maa adable Waa`g inka sholswa he bii gaa man.

4. Ta alia Adam ubaa Hewan `guor neele gelem taganateka, he Waa`g hi met ma gaa eenela `daa mare?

-Adam ubaa Hewan `daa giri Waa`g makun mafeminya, he uroka man.

-Heela mi gaal ki hibesiya.

5. Muun ki gelem fadheka, Waa`g ki makun fafanka, he ki uro?

-He ki ma uriny.

6. He kuna ki tagnanoka, Waa`g ki makun fafanka, he ki uro?

-He ki ma uriny.

7. Adam ubaa Hewan, mai makun shigwo he uroka maya?

-Waa`g.

8. Waa`g Adam ubaa Hewan gelem tagnanu bine chiyesela `daa mare?

-Waa`g Adam ubaa Hewan mi hibiswa fe`de.

9. Waa`g Adam ubaa Hewan hibisinle meete?

-Maa met ma kinya kufach elo hi gaa igira.

-Adab kufach elo hi gaa igira.

-Adab himuritle kufach.

10. Waa`g Adam ubaa Hewan gelem tagniyeka `daa mare?

-Waa`g `daa giri Adam ubaa Hewan giela.

11. Adam ubaa Hewan gelemle takamle higiseta Waa`g hi met ma eenela `daa mare?

-Waa`g in takama gaalat adable bubuya, Adam ubaa Hewan mi hibisiya.

-Waa`g gaalat girichle fe`doka nanatka hate ma egena, Adam ubaa Hewan hibisicha.

12. Adam ubaa Hewan `daa Eden wol `du ma gaa nananka, Waa`g meete tagkoye?

-Waa`g maale gaso kerubim orof bolon guoka, Eden kar afle gaa idiche.

-Adam ubaa Hewan, Eden Waa`g hi ye gaa `dechela waasel, meete tagniye?

Erkob 4:1 ki toyo

1-Adam ubaa minle Hewan hol af rafe, min geer hi hile, Kayin `dalle. Min kieye, Waa`g he ye `du `jiye, yaa veel yabka arge, chie.

-Adam ubaa Hewan, Eden Waa`g hi ye gaa `decheka, waasel, Hewan veel `dalle.

-Hewan inyle erkoba menyle Kayin chie.

-Hewan kieye, Waa`g ye `du `jiye, yaa veel yaba arge chiela, `daa mare?

-`Daa giri Waa`g sidh giel ka `geyoka, Hewan hi og.

-Gaalat lulle mai sidh shigwoka maya?

-Waa`g takama.

-Gaalat lulle mai sidh shigwoka Waa`g takama.

-Kuun ubaa, mai sidh shieka Waa`g takama.

Erkob 4:2 ki toyo

2-Min gedi Kayin nyarle Abel `dalle. Abel maa aanyiet, Kayin maa les fafuoka.

-Waasel Hewan `dalle ki naamaka iny yab `dalle.

-Hewan inyle ki naamaka menyle Abel chie.

-Kayin ubaa Abel ale ki `dallidhe?

-He Eden ma ki `dallan.

-Kayin ubaa Abel Eden ma ki `dallanala `daa mare?

-Gal `jiale Adam ubaa `jiele Hewan `daa giri adab tagniyeka, Waa`g met ma kinya, Waa`g he Eden ye gaa `deche.

-Adam ubaa Hewan Waa`g hi Eden ye gaa `decheka, umle hi Eden ma ki `dallan.

-Adam ubaa Hewan `daa giri Eden gaa lalayka, umle hi Eden ma ka `dallan.

-Eba `dee naama yu ka geye.

-Gal hi ka `dalleka ongor kata, umle ka `dalloka ubaa ongor?

-Ii.

-Gal hi ka `dalleka edh kata, umle ka `dalloka ubaa edh?

-Ii.

- Adam ubaa Hewan hi Eden ye gaa `decheka, Kayin ubaa Abel hi Eden ma ki `dallan.
- Adam ubaa Hewan Waa`g hi Eden ye gaa `decheka, gaalat lulle ale ki `dallidhe?
- Gaalat lulle Eden ma ka `dallan.
- Kayin ubaa Abel hi Eden ma ka `dallan.
- Gaalat lulle hi Eden ma ka `dallan.
- Hi Eden baad af `datiya he bash `geyo.
- Hi Eden baad af `datiya he nebit `geyo.
- Hi Eden baad af `datiya adab `geyo.
- Hi Eden baad af `datiya he kufach `geyo.
- Gaalat lulle hi Eden baad af `datiya ki `dallidhe.
- Gaalat lulle alle ki `dallidheka, he bash `geyo.
- Gaalat lulle alle ki `dallidheka, he nebit `geyo.
- Gaalat lulle alle ki `dallidheka, he adab `geyo.
- Gaalat lulle alle ki `dallidheka, he kufach `geyo.
- Gaalat lulle alle ki `dallidheka, he Waa`g wol in eiy ka sedhe.
- Gaalat lulle alle ki `dallidheka, Satan gedichle.
- Gaalat lulle ki `dallidheka, kansich Satan.
- `Daa mare, gaalat lulle ki `dallidheka, kansich Satan?

-`Jia kuno Adam, `daa giri adab tagniyeka ubaa Waa`g met ma kinya.

-`Jia kuno Adam, `daa giri Satan meta kiyeka.

-Eba `dee tigid yu ka geye.

-E meny kicho, kidh hi badisiyoka he bii gaa ijo, ki yiet.

-Mu tigid, ma e meny kicho, les kidhiet `du gureka, ini kidh naala edhe.

-Mu um `dalleka, um naala, e meny yie?

-E meny kidhiet.

-`Jia kuno Adam `daa giri Satan meta kiyeka ubaa Satan gedichle yieka, gaalat lulle ka `dallidheka Satan gedichle.

-`Jia kuno Adam, `daa giri Satan meta kiyeka gaalat lulle ka `dallidheka Satan kansimle gere gaa ija.

-Kulich tigid Kayin ubaa Abel Waa`g shicho `du sidhe.

Erkob 4:3 ki toyo

3-Aale waaseloka, Kayin `guomle fafieka `daa tigi`d hat suoryoka Yoowa `du gaa sidhe.

-Kayin shicho Waa`g `du sidhela, he mare?

-Kayin shicho Waa`g `du sidhela, he `guom.

-Abel shicho Waa`g `du sidheka, he mare?

Erkob 4:4a ki toyo

4-Abel walalle amle gas ki kodheka `daa tigi`d suor `gale, so buo`dam `guoka Waa`g `du gaa sidhe.

-Abel shicho Waa`g, `du sidhela, so buo`dam guoka.

-Kayin ubaa Abel shicho Waa`g `du sidhela, `daa mare?

-Kayin ubaa Abel, Waa`g ki `jebinetka, shicho mi `du sidhoka, mi gal gey.

-Kayin ubaa Abel takamle Waa`g ki `jebinetka, he ma uriny.

-Kayin ubaa Abel takamle Waa`g ki `jebinetka ma urinyela `daa mare?

-`Daa giri Kayin ubaa Abel he Waa`g adab tagniyeka, Waa`g wol in eiy ka sedhe.

-Waa`g `daa giri adab nebka, adab lulle kufacho mi ki mura.

-`Daa giri Kayin ubaa Abel Waa`g ki `jebinetka ma urinyka, Waa`g girich gal hi ki `jebinetka takoye.

-Kayin ubaa Abel girich he Waa`g ki `jebinetka mi takoyela, hat mare?

-Kayin ubaa Abel, aany walach giyeka gal hi mi shigiyoka Waa`g hi heesete.

-Kayin ubaa Abel, aany walach giyeka gal hi mi shigiyoka hate Waa`g hi heesete?

-Kayin ubaa Abel mi hibiswoka Waa`g hi fe`de.

-Kayin ubaa Abel mi hibiswo Waa`g hi fe`doka, hat mare?

-Waa`g hele fe`doka, Kayin ubaa Abel fas walach argeka, af naala adab hat kufach elga igiroka, ha gaal hi kimita.

-Waa`g hele fe`doka, Kayin ubaa Abel fas walach argeka, af naala adab hi muritle hat kufacha, ha gaal hi kimita.

-Walach fasle he Kayin ubaa Abel bisie?

-He man.

-Walach fasle he Kayin ubaa Abel ma bisinela, `daa mare?

-Walach he adab tagmaniny.

-Gal adab tagniyeka Kayin ubaa Abel.

-Gaalat adable, aany fasle hi ma bisin.

-Cain ubaa Abel mai biswo he uroka Waa`g takama. Heela mi gaal hibisia.

-Kayin ubaa Abel Waa`g ki `jebinetka uroka, Waa`g girichle takama mi gal ki hibisowa mi fe`de.

-Abel ubaa shichole Waa`g meete tab`dote?

Erkob 4:4b ki toyo

4-Aale Yoowa he Abel hi shieka ubaa maale ii yie.

-Waa`g Abel ubaa shichole etela `daa mare?

-Abel `daa giri Waa`g met gaa kiyeta.

-Abel `daa giri shicho walacha mi shieka.

-Abel `daa giri girich Waa`giet nedheka.

-Abel `daa le meete wol ka og?

-Abel hat adab ki `dalledheka og.

-Abel adable hat kufach hi ki muroka he og.

-Abel Waa`g meete le he og?

-Abel Waa`g hat saas mana he og.

-Abel adab lulle hat Waa`g hi kufach ki mudowa he og.

-Abel adab he gal gaa bisiwa hat Waa`g takamaka he og.

-Aaleka Abel mi in adable mai bibisiwa Waa`g hi ale `du gaa kaye.

-Aaleka Abel Waa`g meta kiyeka, shicho walach Waa`g `du gaa sidhe.

-Abel Waa`g meta kiye, Waa`g Abel shichole ete.

-Abel Waa`g girichle nedhe, `daa girala Abel shichole Waa`g hi ete.

-Kayin ubaa shichole Waa`g meete tab`dote?

Erkob 4:5 ki toyo

5-Kayin hele Waa`g shieka, ubaa in he Yoowa hi ii ma yeen. Kayin sum idhane, inum hol `du shune.

-Waa`g Kayin ubaa shichole ma enela `daa mare?

-Waa`g `daa giri `guom ma fedinya?

-He muniny.

-Ma `guom tagniyeka Waa`g in tudle.

-Ta alia, Waa`g Kayin ubaa shichole ma enela `daa mare?

-Kayin `daa giri Waa`g met ma kinya.

-Kayin `daa giri walach Waa`g ma `du gaa ena.

-Kayin he `daa girich Waa`gieta muniny, in girichle fe`doka Waa`g ki `jebinetka he fe`de.

-Kayin in `daaleka tawiny mere he `giye?

-Kayin hat adab ki `dallidheka tabma`don.

-Kayin adab hat kufach hi he ki muroka tabma`don.

-Kayin Waa`g tawinyle mere he `giye?

-Kayin hat Waa`g saas mana tabma`don.

-Kayin adab lulle hat Waa`g hi kufach mudoka tabma`don.

-Kayin hat Waa`g hi bibisichoka he tabma`don.

-Kayin ma adab gal gaa hibisowa he tabma`don.

-Kayin ma bisachiet kayimet hi adab gaa hibisowa he ma fe`diny.

-Kayin he Waa`g met ma kiny, Waa`g hi Kayin shichole ma en.

-Kayin he girich Waa`gieta he mi in ma ki `jebinen, Waa`g hi Kayin shichole ma en.

-Adam ubaa Hewan `guor nee gelem tagnatika, Waa`g hi ma enela , iti tub`dote?

-Adam ubaa Hewan Waa`g hi ma enela he nini ubaa hat uro manka mi gal hibisowa mi fe`de.

-Kayin ubaa Waa`g hi ma enela he nini ubaa hat uro manka mi hibisowa mi fe`de.

-Waa`g Kayin shichole ma enela, Waa`g Kayin meete geyche?

Erkob 4:6-7 ki toyo

6-Aale Yoowa Kayin heete. Hateka kun idhanel, hateka inum hol `du shunel? He midhabka ekeycheka, kuo maa ko ii yeget man?

7-He midhabka ma ekenyka, nyogich ko bilku af ki raradha, baltku `gaa, ko ka adaatka fe`de. Nyogich ka adhaw. Yoowa, hi yie.

-Waa`g Kayin shichole diteka, wassel Kayin ubaa Waa`g hol geyela `daa mare?

-`Daa giri Waa`g Kayin giela.

-Waa`g Kayin adable wogodhoka mi fe`de.

-Kayin girichle fe`do `daa Waa`giet kayimetka, hat ma urinyka, mi hibisowa, mi fe`de.

-Kayin `daa Waa`giet kayimetka, girich Waa`giet takama mi nanatka, mi hibisochowa, Waa`g hi fe`de.

-Kayin `jiet basiet biyoka yigiloka Waa`g hi ririyanka, mi fe`de.

-Kayin he Waa`g meta kiye?

Erkob 4:8 ki toyo

8-Waasel Kayin nyarle Abel gey, ki lessam siet, yie. Gal he lessam alle sedheka, Kayin nyarle Abel mire, mu yies.

-Kayin he Waa`g meta kiye?

-He met ma kiny.

-Kayin maya he met gaa kiye?

-Kayin Satan he met gaa kiye.

-Kayin meete he egey?

-Kayin idhane, ubaa nyarle Abel yies.

-Adam ubaa Hewan kufanana, Satan hi fe`de.

-Kayin Abel yegeeska ubaa Satan hi fe`de.

-Satan gaalat lulle he neb.

-Satan gaalat lulle kufunana, he fe`de.

-Satan gaalat lulle chegeska, he fe`de.

-Kayin nyarle Abel yegeeska, Satan hi geyche, ubaa Kayain Satan meta kiye.

-Hat giri Adam ubaa Hewan Satan met gaa kiyeka, Kayin ubaa Satan met gaa kiye.

-Kayin heele egeyka, he Waa`g hi argiye?

-Ii.

-Waa`g he lulle argiyo ubaa he lulle og.

-Kayin nyarle Abel yieska, waasel Waa`g Kayin hate chie?

Erkob 4:9 ki toyo

9-Aale Yoowa Kayin heete, Nyarkua Abel aake? yie. Ya muog. Nyarchu ya hi `de`deme?

-Kayin heesenela, Waa`g hi heesetela, `daa mare?

-Kayin adable wogodhoka, Waa`g hi fe`de.

-Kayin hat Waa`g met ma kinya, ii yegetka, Waa`g hi fe`de.

-Kayin hat Satan meta kiyeka, ii yegetka, Waa`g hi fe`de.

-Waa`g Kayin he eiy taka meete geyche?

Erkob 4:10-12 ki toyo

10-Aale Yoowa kieye, Meete ekeyche? Fas nyarkua les ki oko`deka ye ki bebime.

11-Kun aale lesalla yaa ko ki waa`gate, les af eiy `deeyche. Fas nyarkua kuni gilku ki okodicheka iiyela.

12-Kun aale les fiyeka, `guom he ko ma higisiny, kun aale kuo lesalla el me ka man, taalle hollo hol gaa seseene, Waa`g hi chie.

-Waa`g Kayin adable he ki mude?

-Ii.

-Waa`g adab lulle he hai ki muda.

-Adab tigi`de ubaa Waa`g he mi murinyka, he man.

-Kayin adable, Waa`g hate hi ki mude?

-Waa`g Kayin `do`de.

-Ubaa Kayin les fiyeka, he `guom hi ma yigisiny.

-Kayin ubaa lesalla el me ka man, hai manja.

-Kayin `daa giri Satan met gaa kiyeka, Kayin Waa`g hi ariye.

Erkob 4:16 ki toyo

16-Aale Kayin do Yoowa inum gaa kie, les gaali Nood yeget, Eden `daa baryo ki taal mare gaa yiedie.

-Kayin Waa`g met ma kiny.

-Aaleka Kayin Waa`g hi ariye.

-Kayin adable wogodhoka he ma fe`diny.

-Aaleka Kayin Waa`g hi ariye.

-Waasel Kayin kufeka himurit biyoka `du sedhe.

-Waa`g ki met ma kinya, hegenaala he demo.

-Waa`g ki makun ma `jinya, ubaa adab ki ma wogona, hegenaala he demo.

-Hat Kayin hai chien.

-Kayin adable ki `dallidheka tab`do`dotka he ma fe`diny.

-Kayin adable himurit hat kufacha tab`do`dotka he ma fe`finy.

-Kayin Waa`g girichle ma naan.

-Kayin girichle fe`doka nadhe, ubaa himurit biyoka `du sedhe.